

# «Vuschs da la Svizra» – reediziun da registraziuns istoricas fatgas per la Landi 1939

**■ 34 texts dialectals da 21 chantuns – per gronda part recitads dals auturs e da las auturas – preschentan la diversitat linguistica da la Svizra e las tradiziuns da raquintar da las differentas regiuns dal pajais. L'onn 2012 ha l'Archiv fonografic da l'Universidad da Turitg rendi accessiblas las registraziuns istoricas, fatgas per l'Exposizion naziunala dal 1939, en furma digitala.** Sut il titel «Vuschs da la Svizra» reviva uschia il sun dals dialects da la Svizra tudestga, dals patois da la Svizra romanda, dals dialects dal Tessin sco er dals idioms rumantschs d'avant passa settant'onns. Ils texts vegnan accumpagnads d'ina translaziun e d'ina transcripcioon fonetica. I suonda ina furma levain main scurstanida da la prefaziun dals editurs Elvira Glaser e Michele Loporcaro sco er da las remartgas introductivas tar la reediziun da la part rumantscha ch'è vegnida tgirada da Matthias Grünert. Quests texts dattan invista en la genesa da las registraziuns originalas e da lur reediziun.

## Prefaziun

*Its trais elements da las «Vuschs da la Svizra»*  
Ils texts e las registraziuns cuntegnidas en la reediziun entitulada «Vuschs da la Svizra» preschentan ed illustreschan la diversi-

tad linguistica da la Svizra, creschida istoricamain, uschia sco ch'ella sa mantegna per gronda part fin ussa. Sper ina seria d'exempels da dialects da la Svizra tudestga ch'att'ins traiss texts dialectals dal Tessin, quatter texts rumantschs – da l'Engiadina, da la Surselva e dal Surmeir – e quatter perditgas dals patois da la Svizra romanda ch'èn quasi svanids ozendi.

Ils dus discs permettan da tadlar ils texts ch'ins po perseguitar en il cudesch accumpagnant pled per pled en notazioni convenziunalas bain legiblas. Daspera ch'att'ins mintgamaia ina translaziun tudestga, taliana u franzosa che gida persunas che n'èn betg famigliaras cun il dialect respectiv a chapir il cuntegn. En las annotaziuns al pe da la pagina vegnan furnidas ulteriuras infurmaziuns che includan, sper explicaziuns dal cuntegn, commentaris davart particularitads da la lingua.

Sch'ins abstraheschda da la retorica naziunala da l'epoca en ils texts accumpagnants, permetta la schelta bain ponderada da registraziuns ina bona survista da las cuntradas linguisticas da la Svizra. Ils documents èn dentant er remartgabels per quai ch'igl è gartegià als quatter responsabells – prof. Eugen Dieth per las registraziuns da la Svizra tudestga, prof. Louis Gauchat per quellas da la Svizra romanda, dr. Oscar Keller per quellas dal Tessin e dr. Andrea Schorta per quellas dal Grischun rumantsch – d'involver ina seria da personalitads enconuscentas da l'epoca. Uschia è la publicaziun in document istoric er en quest regard. Infurmaziuns davart ils pledaders e las pledadoras ch'ins auda sin ils dus discs, sco er infurmaziuns davart ils texts ch'èn da tempra fitg variada en quai che reguarda la firma ed il cuntegn, ch'att'ins en las introducziuns a las seccions dedigitadas a las differentas rengs linguisticas.

Las vuschs da blers pledaders involvids eran vegnidas registradas gia pli baud per la collezioni da l'Archiv fonografic. Ins ha decidì da recurrer tant sco pussaivel a tals pledaders cumprovads per betg ristgar in retard dal project che stueva esser terminà per l'avertura da l'Exposizion naziunala. Per ina tala occasiun prestigiosa vulev'ins er profitar da la tecnica la pli avanzada e traer a niz spezialmain la tecnica dal microfon electric sviluppada a la fin dals onns 1930. Empè da duvrar, sco fin lura, in'atgna apparatura da registraziun, ha la cumisiun da gestiun da l'Archiv fonografic decidi da dar l'incumbensa per la registraziun al studio professional da l'interresa Hug a Turitg. Per part han ils pledaders e



Cuverta da la reediziun dal 2012.